



PREFACE EN FORME
 d'Oblation ou Priere tres-
 humble à la tres-saincte &
 sacrée Triade en terre ; IESVS,
 MARIE, & IOSEPH, par rap-
 port & hommage à la glorieu-
 se & adorable Trinité dans le
 Ciel, le Pere, le Fils, & le saint
 Esprit, un seul Dieu, au nom
 des Associez à leur sainte
 Famille.

QU'EST beaucoup desi-
 rer, c'est trop esperer;
 c'est aspirer bien haut.
 O Iesus Fils de Dieu
 viuant, & nostre Iesus, & Sau-
 ueur, ô Marie Mere de Dieu,
 A &

& Mere de misericorde, ô Ioseph
 Espoux de Marie, Pere estimé
 de Iesus, & nostre Protecteur,
 que de demander d'estre asso-
 ciés à vostre sainte Famille,
 d'estre couchez sur l'Estat de
 vostre maison, mis au nombre
 de vos Officiers & domestiques,
 & adoptés pour vos enfans: la
 seule pensée semble estre cou-
 pable, & le vouloir digne de
 châtement. Ha Seigneur! à l'e-
 xemple du prodigue, prosternés
 deuant le Thrône de vostre Ma-
 jesté, nous confessons nos pe-
 chez, nous auoüons nostre in-
 dignité, & disons, *Nous auons of-
 fensé ô Pere de Misericorde, de-
 uant le Ciel & deuant vous, & ne
 sommes pas dignes d'estre appellés
 vos Enfans, faites nous, s'il vous
 plait, comme à vos plus petits esclau-
 es & mercenaires: Car nous hu-
 milier sera nostre grandeur, nous
 rendre*

LHC 15.

rendre vos captifs sera nostre liberte, souffrir pour vous, nostre gloire, & mourir, nostre vie. Et c'est sous l'estat & qualite de nostre tres-humble seruitude, ja profesee par le Bapteme, & marquee d'un Caractere perpetuel, que nous desirons entrer en ceste liaison & Association; ou bien comme pauures mendiens, nous osons heurter la porte de vostre Clemence & Misericorde, afin d'estre rassasiés des miettes avec le pauure Lazare, ou plutost avec les chiens de l'humble Chananee, recueillir les petits reliefs qui tombent de la table des enfans de vostre famille, qui seront les fruits & les effets de cette pieté.

En premier lieu nous hono- *Honorer.*
rons, reuerons, & adherons à
cette sainte & sacrée Triade,
IESVS, MARIE, & IOSEPH, com-

me estant vne expresse image de l'incomprehensible Trinité, & en vnion des hōmages qu'elle luy a rendüe sur la terre, par son estat & par des operations tres-hautes, bien que differentes en ces trois admirables subjects. Le Soleil, principe de lumiere, paroissant à nos yeux, represente à nos esprits le Soleil inuisible de la Diuinité, & l'art excellent de la peinture, qui est vne imitation de la nature, n'est en rien plus impuissant qu'à peindre le Soleil : Ce Prince des astres pour son éclat & splendeur ne peut estre figuré que par soy-même, car luy opposant vne glace polie, il y forme vne viue image de soy, ou plutôt vn autre Soleil.

Difons que le tres-haut mystere de la glorieuse Trinité est inuisible à nos yeux, ineffable à

P R E F A C E.

5

nos langues, incomprehensible à nos esprits : mais voila que la pauvre & chetive creche de Bethlehem, ou bien l'enfance de IESVS est vne glace claire & polie, qui opposée au ciel Empyrée, où reluit le Soleil de la tres-saincte Trinité, fait paroître comme en vn luisant miroir, vne autre Trinité, IESVS, MARIE, & IOSEPH, Triade de la creche en terre, qui va regardant adorant, & imitant la Trinité du ciel Empyrée, Pere, Fils, & Sainct Esprit; celle-cy est increée, celle-là est creée, & ensemble increée en la personne de IESVS : celle-cy diuine & eternele, celle-là Deifiée & temporele: l'vne adorable, l'autre honorable: l'vne admirable en sa grandeur, l'autre aimable en sa douceur: en l'vne y a vnitè d'essence en la Trinité des personnes, & en l'au-

6 P R E F A C E .

tre vnion d'Amour, de grace, & d'esprit en la Trinité d'essences & de personnes: en la Trinité diuine & qui est Dieu, le Pere engendre son Fils en l'eternité, en l'autre l'ordre est comme renuersé, car le Fils donne estre au Pere & à la Mere, à sçauoir IESVS à son Pere estimé saint IOSEPH, & à sa tres-saincte Mere, suiuant ce Cantique de l'Eglise, *Qui te creauit prouidè lactasti sacro ubere*: En la premiere, le Pere & le Fils, comme vn principe, produisent le saint Esprit, & le Pere par son Fils: en la seconde IESVS & MARIE en vnité d'esprit, & IESVS par MARIE, donne vie & estre de grace à IOSEPH: si bien que MARIE à vn admirable rapport au Pere Eternel, le Fils de MARIE vnité avec soy-même comme Fils de Dieu, & saint IOSEPH represente le saint Esprit:

prit: le Pere au Ciel est seul Pere
 sans mere, & si nous osons dire
 est l'un & l'autre, c'est à dire vni-
 que principe, nommé pour ce
 sujet par vn ancien pere, *Matri-* *Clem.*
pater; & MARIE est vnique me- *Alex.*
 re sans Pere sur la terre. Rien ne
 peut estre attribué plus grand à
 Dieu que d'estre Pere d'un
 Dieu, ni rien de plus sublime à
 vne pure Creature, que d'estre
 Mere du même Dieu. Le saint
 Esprit est le sacré neud & lien
 des personnes diuines; IOSEPH
 a vnion avec MARIE comme
 son Espoux, avec Iesus comme à
 son Pere; le saint Esprit a for-
 mé IESVS au cloistre Virginal de
 MARIE, IOSEPH l'a nourri &
 élevé, & nous a conferué plus
 heureusement, que l'ancien Io-
 seph en Egypte, ce froment des
 Eleus, ce diuin depost, le bien-
 aimé du Pere, le Thresor du Pa-

radis, les delices des bien-heureux, le prix du monde, & la vie eternelle des Anges & des hommes. C'est pourquoy Ô IESVS nous vous recognoissons, nous vous honorons, & adorons en vos sublimités & grâdeurs eternelles, nous vous loüons, benifions, & aimons en vos humiliations & douceurs temporeles, nous vous contemplons de l'œil de la foy au ciel, entre le Pere & le Saint Esprit, nous vous admirons en la terre, entre MARIE & IOSEPH, IESV *Matris deliciae*, IESV *Patris solatium* : Et nous conuions toute creature, avec les trois enfans en la fournaise, de vous benir & loüer en ces deux états, & avec saint Paul de fléchir le genoüil au ciel, en terre, & aux enfers, en vostre tres-saint & redoutable nom. Et les Anges de Dieu au commandement

du

Ad Philip. 2.

*du Pere Eternel de venir en terre, Hebr. 1.
fondre à vos pieds, & vous adorer,
& recevoir grace & lumiere de
vostre benite Enfance. O glo-
rieuse Vierge MARIE nous vous
regardons comme la Mere de
Dieu, & de nostre Dieu, & en
cette supreme dignité nous
vous salüons, reuerons, & ho-
norons selon toutes vos gran-
deurs, & selon tous nos deuoirs,
& pouuoirs; nous vous rendons
le culte & l'hommage singulier
d'hyperdulie, ou d'une sur ex-
cellente subjection & seruitude,
telle que vous est deüe & réduite
par la sainte Eglise. Et vous ô
bien-heureux IOSEPH, nous vous
honorons comme Pere de IESVS,
& Espoux de MARIE, & en la
veüe & par hōmage à ces deux
qualités eminentes, nous nous
assujettissons au pouuoir qui
vous est donné sur nos ames, en*

suite de celuy que vous auez eu
sur IESVS nostre Seigneur.

Offrir. En second lieu, prosternés de-
uant le thrône de la Majesté de
Dieu humilié en la crèche,
nous nous offrons à vous ô grād.
IOSEPH Pere & Espoux sans pa-
rangon, pour nous presenter à
MARIE : nous nous donnons à
vous, ô Vierge & Mere sans se-
conde, pour estre adreśsés à
IESVS : Nous nous consacrons à
vous, ô grand & petit IESVS hom-
me Dieu, à vostre humanité sa-
crée, à vostre diuine enfance,
comme vos seruiteurs & escla-
ues, & pour estre en cette quali-
té associez aux domestiques de
vostre famille. O IESVS, nostre
Roy, viuez & regnez en nous,
exercez vostre souueraineté sur
nos Esprits. O MARIE, nostre
souueraine apres IESVS, posse-
dez nos cœurs & nos volontés,
pour

pour les configner à vostre fils. O benit IOSEPH, mon corps & mes sens soient sous vostre empire & puissance, pour estre cō-facrés à IESVS. Que cette triade qui est en moy des sēs, du cœur, & de l'esprit rende honneur à celle de la crèche, ainsi que celle là glorifie la Trinité du Paradis. O IESVS, humiliés & aneantisés le fond de mon ame. O MARIE enflammés mō cœur. O IOSEPH benisés les labours de mes mains ; & le tout par IESVS & pour IESVS.

Ainsi donc ô IESVS que toute la terre soit pleine de vos misericordes, qu'elle soit, ô MARIE, assistée de vos faueurs, & couverte ; ô IOSEPH, de l'ombre de vostre protection. Car, ô IESVS, vous estes *la fontaine* qui sour-
Demander.
Gen. 2.

dire du ventre Virginal fontaine de tout amour & de grace : ô MARIE vous estes le premier bassin de cette fontaine , & la terre Virginale qui l'a porté & reçu : & vous, ô IOSEPH, vous estes le fleuve qui répandés les eaux celestes par vos efficaces intercessions dans les ames. O IESVS vous estes le fruit de vie : ô MARIE vous estes l'arbre qui l'a porté : ô IOSEPH vous estes le Cherubin establi de Dieu pour garder le nouveau Paradis en terre. O IESVS vous estes le propitiatoire sacré du monde : ô MARIE vous estes l'Arche mystique de nostre reconciliation : ô IOSEPH vous estes le grand Prestre auquel seul est permis d'entrer dans le Sainct des Saincts, & d'estre fidelle coadjuteur du grand conseil de Dieu au monde

de

Gen. 3.

de, depositaire de ses thresors & secrets. En honeur donc des liaisons & vnions ineffables entre ces trois tres-admirables sujets, & les plus grands conjointement auxquels Dieu commande ; Nous demandons, Ô IESVS, MARIE, & IOSEPH, en toute humilité, au nom de ceux qui portent le titre des Associés à vostre sainte Famille I. vne chaste & filiale crainte de Dieu, don du saint Esprit, pour n'estre à jamais ni en la vie, ni en la mort separés de son amour & de sa grace, afin que nous puissions dire avec l'Apostre, *Qui Rom. 8.*
nous separera de la Charité de
 IESVS-CHRIST ? II. vn amour *11.*
 feruent enuers Dieu & enuers IESVS-CHRIST nostre Seigneur en sa sainte humanité, avec vn zele de sa gloire & de nostre salut

112.

lut III. Vne bonne & heureuse fin, & non seulement en l'amour, mais en l'acte & en l'exercice du saint Amour. O IESVS priés le Pere Eternel pour vos esclaves : O MARIE intercedés enuers IESVS pour vos Associés: O IOSEPH priés MARIE & IESVS pour vos enfans: O IESVS montrés les playes & le sang que vous aués répandu pour nous: O MARIE découvrés les virginales mammelles qui ont alaité le Fils de Dieu: O IOSEPH montrés vos mains, qui par vos labours & sueurs ont nourri IESVS & MARIE, & comme l'ancien

Gen. 49.

Iacob, benissant son fils Ioseph, fait vn signe de la Croix luy donnant trois benedictions & disant, *Le tout puissant vous benisse des benedictions du Ciel, des benedictions de l'abîme ou de la terre*

terre, *Et des benedictions des manuelles*, ainsi nous vous supplions, ô Triade admirable & aimable, de donner ces trois benedictiōs à vostre Famille, en la vertu du signe de la saincte Croix, & par les merites de IESVS crucifié. O IESVS versés en abondance les benedictions du Ciel, qui sont les graces meritees par vostre vie, & par vostre mort. O MARIE répandez le lait de vos chastes mammelles, par vn sentiment de pieté & d'une humble & filiale deuotion. O IOSEPH donnés les benedictions de la terre, c'est à dire de vos labeurs, de vos suëurs, & merites, pour benir, & faire fructifier les labeurs de nos mains, & sanctifier toutes nos actions exterieures & à chacun selon sa profession : afin que vous honorans

norant & aimant en la terre
nous iouïssions, Ô IESVS, devo-
stre veüe & presence, avec
MARIE, & IOSEPH, dans les
cieux, pour rendre honneur
& gloire au Pere, au Fils, &
au Saint Esprit à tous les fie-
cles des siecles. Ainsi soit il.



DESSEIN